

1) *HARK THE GLAD SOUND*

1 Klew orth an son ! An Krist a dheu,  
Ambozys seulabryz;  
Pub kolonn gwres pareuzi tron,  
Pub lev y gan keffrys.

2 Y teu digelmi oll an re  
Dhe Satnas neb o keth;  
An porthow brest a-ragdho 'darth,  
Kargharow horn ynwedh.

3 Y teu yaghhe an golonn drogh,  
An enev brew dre var,  
Rychhe dre dresor a'y ras  
An voghozogyon hwar.

4 Gormel a dhynnargh, Pryns a Gres,  
'Vydh kenys genen ni,  
Dre warek Nev y tassen prest  
Dha Hanow ker y vri.

- Composed by Philip Doddridge in 1735
- Translated from English to Cornish by Ken George, Christmas 1986.
- Recommended tune by Thomas Merritt